


RAZGOVOR SA UČENICIMA NAJBOLJEG JUGOSLOVENSKOG, A MOŽDA I EVROPSKOG RAZREDA



Razredni starješina Ilija Katić dijeli svjedočanstva

18 "ZLATNIH" UČENIKA

Njih 18 — Snježana Andraković, Biljana Bilić, Milenko Bijedić, Miloš Bjelica, Zlatko Delić, Sanja Hasanbegović, Emir Hadžihasanović, Slavko Glavan, Stjepan i Dominko Meler, Đenana Muminović, Tahir Mahmutefendić, Gordana Nikolić, Gradimir Starović, Milan Saravolac, Miodrag Škrbić, Damir Tkalić i Miodrag Vujanović biće, sigurno, zlatnim slovima upisani u anale našeg školstva i naše prosvjete. Oni su učenici IV-2m razreda Gimnazije »Ognjen Prica« u Sarajevu i svi dojednog su odlični učenici!

Rezultati

I ne samo to! Devet učenika ovog razreda dobiće ovih dana zlatnu značku »Ognjen Prica« koju dodjeljuje Zajednica za srednje obrazovanje učenicima koji su osnovnu i srednju školu završili odličnim uspjehom. Da vam kažemo i jedan fenomenalan podatak ne samo za jugoslovenske, nego i za svjetske razmjere i kriterije. Na kraju ove školske godine prosječna, srednja ocjena u ovom razredu iznosi, vjerovali ili ne, 4,85! A, 16 učenika će biti oslobođeno polaganja maturalnog ispita!

Zaista, rezultati koji impresioniraju i pred kojima čovjeku zastaje dah. Prosto da se upitamo: da li je i to moguće?

I sasvim je normalno što se već na početku nameće jedno pitanje: Kako ste to uspjeli?

— Razloge našeg uspjeha, u prvom redu, treba tražiti u izvanrednim uslovima koje nam je pružio kolektiv naše Gimnazije. Kada to kažem, mislim, prije svega, na profesore sa kojima smo uspjeli da ostvarimo prisan kontakt i saradnju. Oni su nam uvijek izlazili u susret. Svakako, i mi smo svojom radom i zalaganjem doprinijeli ovim rezultatima — kaže Zlatko Delić, predsjednik razredne zajednice.

★ Evo šta o uspjehu IV-2m kaže razredni starješina Ilija Katić.

— Od prvog razreda u odjeljenju je održavana visoka radna atmosfera, a učenici nikada nisu napravili neki ispad ili tome slično. Kod njih

Na kraju školske godine svi su završili razred odličnim uspjehom, prosječna ocjena je 4,85(!) a 16 učenika je oslobođeno polaganja maturalnog ispita ◆ Devet učenika će primiti zlatnu značku »Ognjen Prica«, a njih 16 se nalazi u članstvu Saveza komunista

je veoma prisutan kolektivni duh i svijest da treba raditi i učiti, tako da se predmetni profesori nikada u toku njihovog školovanja nisu našli u situaciji da nekoga kritikuju. Moji učenici su u prvom razredu bili veoma nezadovoljni prenatrpanim nastavnim planom i programom i na demokratski način, pismenim obrazloženjima, upozorili su na to upravu škole i prosvjetne institucije u gradu i Republici. I u tome su uspjeli!

Nismo »bubalice«

Kada govorimo o impresivnim rezultatima IV-2m razreda Gimnazije »Ognjen Prica« mnogi će pomisliti da se radi o mladim ljudima koji samo znaju za knjigu i koji nemaju dovoljno slobodnog vremena. Ali, nije tako. Uostalom...

— Ne, nismo »bubalice«! — kategorično tvrdi učenik Miodrag Vujanović. — Mi najviše i najbrže naučimo na časovima gdje smo svi do kraja angažovani, a i savjest nam jednostavno ne dozvoljava da budemo neradnici jer je konkurencija među nama veoma izražena i svako od nas želi da u dnevniku ima što više petica. Vrijeme znamo racionalno iskoristiti, tako da stizemo, uostalom kao i svi mladi, da odemo u kino, disko-klub, pozorište, utakmicu.

Svi učenici IV-2m, najboljeg razreda u Jugoslaviji, uključeni su i u sekcije koje djeluju pri školi i sportskom društvu, Predsjedništvu Školske konferencije Saveza omladine Gimnazije, foto-sekciji i drugim. Dakle, razred koji u svemu može poslužiti za primjer.

Pored toga, 16 učenika je

u članstvu Saveza komunista i svi su primjerni članovi koji na partijskim sastancima uvijek imaju mnogo toga da kažu.

Kuda poslije?

Da li će ovi mladi ljudi i na fakultetu postizati takve rezultate? U šal nam neko dobaci da će se truditi da u indeksu bude što više »desetki«, a ne »petica«, na koje su navikli u svom dosadašnjem školovanju! Rekoše da će poći na tehničke fakultete, jer su im matematika i fizika specijalnost. I nemajmo se začuditi ako budemo čuli da je neko od njih prije predviđenog roka završio fakultet.

— Znae šta nam najteže u ovom trenutku pada na srce? — kao da za sebe govori Biljana Bilić. — Pa, to što se rastajemo! Ipak, za ove četiri godine živjeli smo kao jedna porodica koja nije znala za ogovaranja, zajedljivost. Vjerujem da ćemo se ipak redovno sastajati da se ispričamo o fakultetu, obo vezama, zabavi i drugom, ali to nije ono što je bilo u gimnaziji. Eto, tako vam je to!

Rekoše nam da se sada spremaju na nagradnu ekskurziju u Dubrovnik koju su dobili kao poklon od omladinskog lista »Mladost« i emisije »Zeleni megahero« drugih programa Radio-Beograda i Radio-Zagreba, kao najbolji razred u Jugoslaviji u školskoj 1972/73. godini. Sigurno je da će se nagrada i ove godine naći u rukama učenika IV-2m razreda, jer je uspjeh koji su postigli u ovoj školskoj godini za nekoliko procenata bolji od prošlogodišnjeg!

I na kraju, evo šta kaže profesor Ismet Dizdarević koji je ispred katedre za pedagogiju i psihologiju Filozofskog fakulteta u Sarajevu izvršio testiranje učenika ovog razreda.

— Prosto smo impresivni rezultati koje su pokazali na testu učenici IV-2m razreda. Neki su osvojili i maksimalan broj bodova i moje je mišljenje da ti rezultati nisu samo dokaz rada nego i prirodnih sposobnosti.

Zar je još nešto potrebno reći o ovim mladim ljudima!? Erbein REŠIDBEGOVIĆ